



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apotheca Spiritvalivm Pharmacorvm Contra Lvem
Contagiosam Aliosqve Morbos**

Wichmans, Augustin

Antverpiae, 1626

Quarto Nonas Februarij.

urn:nbn:de:hbz:466:1-9653

duce, tamquam in labyrintho utendum fuit. quem tu consule, eiusque collegam Petrum Hallosium, in Triumpho sacro S. Terentiani, Duaci, anno 1615. edito, & Aub. Miræum in fastis Belgicis.

Exemplo cryptarum veterum Romanarum, maiores nostri multas olim in Belgio cryptas ædificarunt; cum orationis seu sacrorum conuentuum, tum sepulcrorum causa, quæ sub vetustioribus templis hodieque spectantur, vt Leodici ad S. Petrum & S. Crucem. Traiecti ad S. Seruatum. Laubis in templo parochiali. Namurci ad S. Albanum, & S. Mariam, & in Orpio magno eiusdem diœcesis pago, vbi Alpais ex concubinâ Pipini Heristallij conuersa, sæpius oratione traditur, & pœnitentiam egisse. Gandaui ad S. Bauonem, quam diuersis altaribus & concionatoria cathedra adhuc nuper ornata vidi. Anderlaci iuxta Bruxellam, ad S. Guidonem. Antuerpiæ ad S. Walburgam. Duaci ad S. Petrum, & alibi varijs in locis.

F E B R V A R I V S.

Quarto Nonas Februarij.

^{2.}
Februar.
Vide cap.
11. Apot.
Spir. fol.
^{78.}

Purificatio B. Mariæ virginis, quæ à Græcis Hy-
papante Domini appellatur.

Specialis quidem ratio est, hac die potissimum Tutelam beatissimæ virginis Deiparæ contra pestem inuocandi, eo quod in Oriente occasione sedatæ mortalitatis quæ Constantinopolim dirissimè depopulabatur, Iustiniani temporibus hæc festi-
uitas in honorem sanctissimæ virginis sit instituta: verum quia ipsa præ reliquis omnibus sanctis in cunctis necessitatibus est hominum fidelissima & potentissima Patrona (cum eius potestas in sola etiam sanitatis causa ijs tantummodo ignota sit, qui ea quæ miridiano sole sunt detecta prolsus cernere nolunt, nec ea credere quæ vident vel audiunt in omnibus totius orbis partibus indies contingere) ideo singulis eius festiuitatibus in Martyrologio adnotatis, sacram eius memoriam hinc etiam adnotabo, vt in ipsis quoque Tutelam eiusdem imploremus. Licet enim singulis diebus paratißima sit suis clientibus deuotè eam inuocantibus, patrocinium exhibere: festiuis tamen diebus in honorem eius specialiter institutis, vt & reliqui sancti,

E C C L E S I A S T I C V M.

Et i diebus sibi proprijs, peculiari modo solet id præstare; nam in iis dat supplicantibus, ut ita dicamus, plenissimam audientiam, cum & ipsa tunc singulares à filio suo recipiat prærogatiuas: eum ad modum quo principes huius sæculi dies sibi natales peculiaribus gratijs solent priuilegiare; neque suos tantum, sed & coniugis ac filiorum. Dies namque Sanctorum, quibus de sæculo transferunt, Natales eorum solet appellare Ecclesia; quomodo enim usitato modo dicitur nasci, quando quis ex utero materno procedens in hanc lucem exit; sic quoque iure natus appellari potest, qui liber ab huius sæculi tenebris, ad lucem pertingit viuentium. Vnde re Etè Sanctorum solemnia, non funebria tamquam morientium, sed (utpote in vera vita nascentium) Natalia vocitantur, ut inquit Nicol. Papa ad consulta Bulgarorum c.5.

Pridie Kalend. Martyj.

Alexandriæ commemoratio Sanctorum Presbyterorum, Diaconorum, & aliorum plurimorum, qui tempore Valeriani Imperatoris, cum pestis saeuissima grassaretur, morbo laborantibus ministrantes, libentissime mortem oppetiere, quos velut Martyres religiosa piorum fides venerari consueuit.

Fuit Alexandriæ celeberrimum & frequentissimum Collegium plurimorum Clericorum, quos ad sexcentos Theodosius II. Imp. extendit, qui ægrotantium curæ deputatierant, & dicti, Parabolani, ut eosdem idem Imp. nuncupat: vel ut habet Iulius Firmicus Parabolarij, siue Paraboli, ut est apud Socratem, & ex eo, apud Cassiodorum, à voce scilicet Græca, παράβολος, qua significatur homo ad subeunda pericula præceps, quales putabantur, qui curæ omnis generis ægrotantium, pestis quoque tempore præfessent. De quo Collegio plura vide apud Baron. anno 415. atque ex hoc aut simili, putantur plerique illi Clerici fuisse, quorum hic in Martyrologio fit mentio; qui ex charitate eiusmodi officio erant adscripti, qua nulla maior videri poterat, cum

B

poneret

28.
Februar.
Vide cap.
55. Apot.
Spir. fol.
261.